



Na osnovu člana 18. Statuta i Pravilnika o načinu ostvarivanja prava na dodjelu stipendija djeci i mladim koji su u ratu u BiH 1992.-1995. izgubili jednog ili oba roditelja, invalidnoj, talentovanoj i djeci i mladim u stanju socijalne potrebe, Upravni odbor Udruženja „Obrazovanje gradi Bosnu i Hercegovinu“, r a s p i s u j e

K O N K U R S

za dodjelu stipendija studentima koji su u ratu u BiH 1992.-1995. godina izgubili jednog ili oba roditelja, invalidnim, talentovanim i socijalno ugroženim učenicima srednjih škola i studentima u školskoj/akademskoj 2018/2019. godini (u daljem tekstu-korisnici)

Uslovi za prijavljivanje kandidata na konkurs:

- da je državljanin Bosne i Hercegovine
- da ima mjesto prebivališta na teritoriji Bosne i Hercegovine
- da redovno pohađa srednju školu/fakultet na teritoriji Bosne i Hercegovine
- da za školovanje ne prima stipendiju ili novčanu naknadu po drugom osnovu
- da ne obnavlja razred ili godinu
- da učestvuje u prikupljanju sredstava za sopstveno i stipendiranje drugih korisnika prodajom 50 primjeraka kalendara Udruženja „Obrazovanje gradi BiH“ za 2019. godinu
- da u školskoj 2018/2019. godini ostvari najmanje 40 sati volonterskog rada u Udruženju „Obrazovanje gradi BiH“, odnosno mjestu prebivališta van Kantona Sarajevo.

Stipendije se dodjeljuju za period od deset mjeseci u školskoj/akademskoj 2018/2019. godini.

Stipendija za učenike srednjih škola iznosi 80 KM mjesečno.

Stipendija za studente iznosi 100 KM mjesečno.

Uz prijavu na konkurs kandidati su obavezni priložiti slijedeća dokumenta:

- Uvjerenje o upisu u školu/fakultet u školskoj/akademskoj 2018/2019. godini (original) za učenike srednjih škola i studente na fakultetima
- Dokaz o uspjehu u prethodnoj školskoj/akademskoj godini:
 - za učenike srednjih škola svjedočanstvo o završenom razredu u školskoj 2017/2018. godini (ovjerena kopija)
 - za studente prve godine studija – svjedočanstvo o završenom 4. razredu srednje škole u školskoj 2017/2018. godini (ovjerena kopija)
 - za studente druge i narednih godina – uvjerenje o prosjeku ocjena u akademskoj 2017/2018. godini
- Prijava prebivališta (CIPS – ne starija od 30 dana)
- Kućna lista (ovjerena u općini)
- Izjava da kandidat ne prima stipendiju ili novčanu naknadu po drugom osnovu (ovjerena u općini)
- Za zaposlene roditelje/staratelje platnu listu ili uvjerenje od poslodavca o visini primanja
- Za nezaposlene roditelje/staratelje potvrdu od Zavoda za zapošljavanje
- Za roditelje/staratelje penzionere ček od posljednje starosne, invalidske ili porodične penzije (ovjerena kopija)
- Dokaz o smrti (umrli list) za jednog ili oba roditelja u periodu 1992.-1995. (ovjerena kopija)
- Dokaz o invalidnosti koju je kandidat stekao u periodu 1992.-1995. godina
- Za kandidate čije domaćinstvo vodi samohrana majka/otac – uvjerenje od općine
- Za kandidate pod starateljstvom – rješenje ili uvjerenje od nadležnog organa
- Dokaz o invalidnosti roditelja/staratelja - rješenje ili uvjerenje od nadležnog organa
- Dokaz o statusu člana porodice šehida/poginulog borca – rješenje ili uvjerenje nadležne općinske službe za boračko-invalidsku zaštitu

Kandidati u kategoriji talentovana djeca i mladi, pored prethodno navedenih dokaza dužni su priložiti i sljedeće dokaze:

- Dokaz o osvojenom prvom mjestu na federalnom i državnom nivou u kategorijama društvenih, tehničkih i predmeta muzička kultura, uz preporuku Prosvjetno-pedagoškog zavoda
- Dokaz o nadarenosti za pisanje poezije i proze, uz preporuku Društva pisaca BiH
- Dokaz o osvojenom prvom mjestu na sportskim državnim i međudržavnim takmičenjima, uz preporuku sportskih saveza BiH.

Konkurs, nakon objavljivanja na web stranici i facebook profilu Udruženja „Obrazovanje gradi Bosnu i Hercegovinu“ ostaje otvoren:

- **za učenike srednjih škola do 22.09.2018. godine**
- **za studente do 10.10.2018. godine.**

Izbor kandidata vršit će se komisijski, bodovanjem prema Pravilniku o načinu i uslovima ostvarivanja prava na dodjelu stipendija korisnicima, do 31.10.2018. godine.

Prijavu s dokazima o ispunjavanju uslova konkursa i traženim dokumentima dostaviti putem pošte na adresu: Udruženje „Obrazovanje gradi Bosnu i Hercegovinu“, Dobojska 4, 71000 Sarajevo, s naznakom „Prijava na konkurs“ i slovnom oznakom pripadajuće kategorije kandidata:

- A** (dijete bez roditelja)
- B** (invalidno dijete)
- C** (talentovano dijete)
- D** (dijete u stanju socijalne potrebe)

Prednost prilikom dodjele stipendije za studente prve godine studija ostvarit će kandidati koji ovjernom kopijom svjedočanstava dokazuju odličan uspjeh za sve školske godine tokom školovanja u srednjim školama.

Prijave kandidata iz kategorija B,C i D kod kojih je prosjek primanja po članu domaćinstva 350 KM i više neće se uzimati u razmatranje.

Kao datum slanja prijave i dokumenata Udruženje uzima datum sa ofisaka pečata pošte.

Nepotpune i neblagovremene prijave neće biti razmatrane i biće vraćene na adresu aplikanta.

Obrazac prijave na konkurs za dodjelu stipendija korisnicima u školskoj/akademskoj 2018/2019. godini potražiti na www.ogbh.com.ba